



## **Aningaasanut Nunanullu Allanut Naalakkersuisoq**

### **Aningaasaqarnermut Ataatsimiititaliap suliag nr. 01.31.06/07-00224 pillugu pingasunngornermi ulloq 24. januar 2007-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 18. januar 2007-imi ataatsimiinneranni imm. 2c)

### **Kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, suliassanut sanaartornermut atugassanit agguanneqanngitsunit atugassanngortitsinissaq pillugu**

Naalakkersuisut **inassutigaat,**

- kontomi pingaarnermi 80.00.00-mi, Sanaartornermut atugassanut agguanneqanngitsunit tunngasumi, aningaasaliissutit 2007-imi 2.650.000 koruuninik aammalu 2008-imi 1,0 mio. koruuninik ikilineqassasut
- kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, aningaasaliissutit 2007-imi 2.650.000 koruuninik amerlineqassasut, taakkulu suliassanut nr. 120.40.038-imut, Ilulissani meeqqanut inuusuttunullu paaqqinniffimmi pioreersumi immikkoortortat ilaneqarnissaannut tunngasumut, 1.650.000 koruuninik aamma suliassanut nr. 150.40.036-imut, Uummannami meeqqanut inuusuttunullu paaqqinniffimmi ilaqutariinnik katsorsaasarfimmut tunngasumi, 1.000.000 koruuninik agguarneqassasut
- kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, aningaasaliissutit suliassanut nr. 120.40.038-imut, Ilulissani meeqqanut inuusuttunullu paaqqinniffimmi pioreersumi immikkoortortat ilaneqarnissaannut tunngasumut, 2008-imi 1,0 mio. koruuninik amerlineqassasut.

### **Aningaasaqarnermut Ataatsimiititaliap oqaaseqaatai**

Uummannami ulloq unnuarlu angerlarsimaffimmi ingerlatat annertusineqartut ataatsimiititaliap maluginiarpaa. Paatsoortoqaqqunagu taamatut ingerlatanik annertusisitsineq ilaqutariinnermut tunngasuni allilerinissamut pilersaarutini ilanngunneqarsimasoq, taamaalillunilu ingerlatanik annertusaanermut aningaasartuutit konto pingaarneq 30.10.42, Angerlarsimaffinnik nutaanik ingerlatsinissamut sillimatinut tunngasoq, aqutigalugu kommuninit nammineq akilerneqarnissaa uppersarsarneqassasoq ataatsimiititaliamit kissaatigineqarpoq.

### **Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit  
**akuersissutigineqarpoq.**

Tamatuma saniatigut ullut suliffiit 14-it qaangiutsinnagit apeqqutitut siuliani allassimasunut akissuteqarnissaq qinnutigineqarpoq. Akissuteqaat kalaallisut danskisullu nassiuteqquneqarpoq nuutinneralu qarasaasiakkut uunga nassiuteqquneqarluni: [nch@gh.gl](mailto:nch@gh.gl).

Inussiarnersumik inuullaqqusillunga

Ellen Christoffersen  
Aningaasaqarnermut Ataatsimiititaliap siulittaasua